

Na osnovu člana 32. Statuta Općine Velika Kladuša („Službeni glasnik Općine Velika Kladuša“, broj: 12/11) i u skladu sa članom 1. i 2. Odluke o raspisivanju Javnog oglasa za imenovanje pet članova Općinske izborne komisije Velika Kladuša („Službeni glasnik Općine Velika Kladuša“, broj:10/20), Općinsko vijeće Općine Velika Kladuša, raspisuje

JAVNI OGLAS
za imenovanje pet članova Općinske izborne komisije
Velika Kladuša

I

Raspisuje se Javni oglas za imenovanje pet članova Općinske izborne komisije Velika Kladuša.

Kandidat za člana Općinske izborne komisije mora ispunjavati sljedeće opće uslove sukladno odredbi člana 2.2. Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16):

1. da je lice sa pravom glasa
2. da je lice sa odgovarajućom stručnom spremom i iskustvom u provedbi izbora.

Prijavljeni kandidati pored gore navedenih općih uvjeta propisanih zakonom i Upustom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj: 29/18 36/19), moraju ispunjavati i posebne uvjete za člana izborne komisije, a koje dokazuju dostavljanjem slijedećih dokumenata (**original ili ovjerene kopije**):

- dokaz o prijavljenom prebivalištu na području Općine Velika Kladuša – Obrazac PBA-3 ne stariji od 3 mjeseca od dana izdavanja od strane nadležnog organa, (kao izuzetno i osobe sa prebivalištem iz druge Općine, ukoliko nema kandidata sa prebivalištem u općini za koju se imenuje izborna komisija, koji ispunjavaju uslove tražene javnim oglasom),
- diplomu o završenom fakultetu, VII/1 stepen stručne spreme ili završenom fakultetu bolonjskog sistema studiranja sa najmanje 180 ETCS, (kao izuzetno i osobe koje imaju završenu višu školu, odnosno VI stepen stručne spreme ako je potrebno ispoštovati odredbe člana 2.14 stav (1) Izbornog zakona BiH, ili ukoliko nema kandidata sa završenim fakultetom, VII/1 stepenom stručne spreme, ili završenim fakultetom bolonjskog sistema studiranja sa najmanje 180 ETCS),
- dokaz o iskustvu u provođenju izbora (članstvo u izbornoj komisiji i članstvo u biračkom odboru na izborima obuhvaćenim Izbornim zakonom Bosne i Hercegovine), kao izuzetno i osobe bez izbornog iskustva koje imaju VII/1 stepen stručne spreme, završen pravni fakultet, odnosno završen pravni fakultet bolonjskog sistema studiranja s najmanje 180 ETCS.
- Izjavu imenovanog člana izborne komisije da nije obuhvaćen odredbama člana 2.3 Izbornog zakona Bosne i Hercegovine, svojeručno potpisanu i ovjerenu od strane nadležnog organa.

- *Svojeručno potpisana i od nadležnog organa ovjerena Izjava o nacionalnom izjašnjenju kandidata sa posljednjeg popisa stanovništva u Bosni i Hercegovini.*

Članove Općinske izborne komisije Općine Velika Kladuša imenuje Općinsko vijeće na period od 7 (sedam) godina, a isti počinje teći od dana dobijanja saglasnosti na imenovanje od Centralne izborne komisije Bosne i Hercegovine.

Sastav Općinske izborne komisije u skladu sa mogućnostima i strukturom prijavljenih kandidata treba odražavati strukturu stanovništva Općine Velika Kladuša prema posljednjem popisu stanovništva.

U sastavu Općinske izborne komisije nastojat će se osigurati zastupljenost spolova u skladu sa Zakonom o ravnopravnosti spolova u Bosni i Hercegovini.

II

Javni oglas za imenovanje pet članova Općinske izborne komisije Velika Kladuša ostaje otvoren 8 (osam) dana od dana objavljivanja u dnevnom listu „Oslobođenje“.

Pismene prijave zainteresirani kandidati sa dokazima o ispunjavanju uslova iz Javnog oglasa podnose predsjedavajućem Općinskog vijeća Općine Velika Kladuša neposredno putem Centra za pružanje usluga građanima Općine Velika Kladuša na adresu: „Općina Velika Kladuša, Ulica Hamdije Pozderca, broj 3, Velika Kladuša, 77230, sa naznakom „Prijava na oglas za imenovanje pet članova Općinske izborne komisije Velika Kladuša – ne otvarati“.

Obrazac prijave na javni oglas (koja je sastavni dio ovog javnog oglasa) kao i izjave da nije obuhvaćen odredbama člana 2.3 Izbornog zakona Bosne i Hercegovine zainteresirani kandidati mogu preuzeti u zgradi Općine Velika Kladuša, Ulica Hamdije Pozderca, broj 3, na info pultu Centra za pružanje usluga građanima (šalter sala).

Nakon isteka roka od 8 (osam) dana i zatvaranja Javnog oglasa Predsjedavajući Općinskog vijeća Općine Velika Kladuša će u skladu sa odredbama Upustva o utvrđivanju kvalifikacija, broja i imenovanju i razrješenju i obuci članova izborne komisije osnovne izborne jedinice u Bosni i Hercegovini i Odluke o raspisivanju Javnog oglasa za imenovanje pet članova Općinske izborne komisije Velika Kladuša, zadužiti Komisiju za provođenje postupka po javnom oglasu (u daljem tekstu: konkursnu komisiju), da provede proceduru utvrđivanja liste kandidata za članove Općinske izborne komisije i istu dostavi Općinskom vijeću na nadležno postupanje.

III

Javni oglas za imenovanje pet članova Općinske izborne komisije Velika Kladuša bit će objavljen u dnevnom listu „Oslobođenje“, na zvaničnoj web stranici Općine Velika Kladuša i oglasnoj tabli Općine Velika Kladuša.

**PREDSJEDAVAJUĆI
OPĆINSKOG VIJEĆA
Fikret Bašić, prof.**